

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

- 1. Inuit innarluutillit imaluunniit immikkut pisariaqartitsisut, Kalaallit Nunaanni najugaqartut, kisianni Danmarkimi ilinniarlutik imaluunniit katsorsarneqarlutik najugaqartut, kigutilerinermut aningaasartuutitik utertillugit akilerneqarsinnaappat?**
- 2. Namminersorlutik Oqartussat imaluunniit kommunit sorliit akisussaaffigaat Danmarkimi najugaqarallarnermi peqqinnissaqarfimmi, matumani kigutilerinermut, aningaasartuutitik matussusiineq?**
- 3. Qinnuteqartoq qanoq iliornikkut aningaasartuutiminik utertitsivigineqarnissamut qinnuteqarsinnaava? Sumi qinnuteqassava, aammalu suut piumasaqaatit atuuppat?**
- 4. Naalakkersuisut isumaqarpat inatsisit atuuttut naapertorlugit innarluutillit imaluunniit ilinniartut Kalaallit Nunaanni najugaqavissuunerminnik attassiinnartut, kisianni Danmarkimiikkallarnernanni pisariaqartitsinerat naammattumik illersorneqartoq?**
- 5. Naalakkersuisut pilersaaruteqarpat erseqqissaanermik imaluunniit allannguineramik, taamaalilluni innuttaasut pineqartut akornanni nalornisoqartarunnaarlugu?**

(Inatsisartunut ilaasortaq Jens Nap̃tôK', Naleraq)

Tunngavilersuutit:

Innuttaasooq innarluutilik Qallunaat nunaanniikkallarnerni kigutiminik ajornartorsiuteqalersimasooq aammalu erngerluni kigutai ajorsilluinnartut iluarsartariaqartut pillugit Aningaasartuutit nammineq akilersimasat akiliunneqarallarsimanerluunniit, kommunemit qinuunteqaraluarluni paasissutissinneqarpoq Kalaallit Nunaanni aalajangersimasumik najugaqannginneq tunngavigalugu tapiiffigineqarsinnaanngitsoq, naak nappaat peqqutaalluni qallunaat nunaanniittoqartoq taamatullu nunatsinnut feriartarnerani kommunimiit akiliunneqarartarluni.

Tamanna apeqqutininik pingaarutilinnik pilersitsivoq: Kalaallit Nunaanni najugaqartut, kisianni ilinniarlutik imaluunniit katsorsarneqarlutik Qallunaat nunaanniikkallartartut, qanoq



illersorneqartarpat? Innarluutillit taamatullu ersinngitsumik nappatillit immikkut pisariaqartitsisut qanoq ikiorserneqarsinnaanissaat qulakkeerneqartarpat?

Innuttaasut nalorninermik eqqugaassanngillat aammalu inatsisilerinikkut paatsuunganermik akiligassinneqassaratik qanoq periarfissai aaqqinneqarsinnaappat?

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.